

Noorfauziati Binti Mat Yatim

From: Unit Komunikasi Korporat
Sent: Wednesday, September 27, 2017 7:37 PM
To: UUM - All Staff; UUM - All Students
Cc: Staf - Pesara UUM
Subject: Sikap 'Double Standard' Majlis Keselamatan PBB (UNSC) Jejas Usaha Afrika Capai Keamanan Dan Keselamatan



Unit Komunikasi Korporat
CORPORATE COMMUNICATION UNIT
Universiti Utara Malaysia



27 SEPTEMBER 2017 / 6 MUHARAM 1439H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Abdul Halim Husain

SIKAP 'DOUBLE STANDARD' MAJLIS KESELAMATAN PBB JEJAS USAHA AFRIKA CAPAI KEAMANAN DAN KESELAMATAN



UUM ONLINE: Dakwaan sikap 'double standard' yang diamalkan dalam Majlis Keselamatan Pertubuhan Bangsa-Bangsa Bersatu (PBB) atau UNSC dilihat telah memberi kesan terhadap usaha Afrika bagi mewujudkan keamanan dan keselamatan di benua tersebut.

Komander Angkatan Pertahanan Zimbabwe, Jeneral Dr Constantino Guveya Dominic Nyikadzino Chiwenga berkata, sikap UNSC itu amat ketara dalam mengambil tindakan dalam menangani konflik yang berlaku di Afrika khususnya.

Dalam syarahan umum itu, beliau menerangkan tentang etika sikap berpihak (double standard) UNSC dalam usaha Afrika mempromosikan budaya dan sumbangan orang Afrika kepada pembangunan tamadun Barat.

Selain itu, beliau juga menerangkan tentang amalan menjaga kepentingan sendiri yang berlaku dan persepsi beliau dalam reformasi PBB serta implikasi kepada keamanan Afrika.

Katanya, kesan sikap 'double standard' UNSC telah menjejaskan usaha Afrika untuk mempertahankan keamanan dan keselamatan negara di benua itu dan peranan PBB sebagai badan pengaman dilihat sudah jauh dari pegangan prinsip teras mereka dalam menjaga keamanan sesebuah negara yang menghadapi konflik.

"Sikap berpihak ini bukan sahaja melemahkan kuasa moral beberapa ahli Majlis Keselamatan, malah turut merendahkan legitimasi dan integriti keseluruhan Majlis Keselamatan itu, seterusnya menyebabkan ketidaksepakatan dalam kalangan anggota, justeru, UNSC ini perlu diperbaharui ke arah mengekalkan keamanan dan keselamatan dunia sejagat.

"Pada masa sama, negara-negara Afrika juga mesti membina kapasiti negara kebangsaan dan serantau untuk meningkatkan strategi ke arah keselamatan dan keamanan, bukan hanya untuk menyelesaikan konflik, sebaliknya negara-negara yang menjadi ahli pertubuhan dan institusi antarabangsa harus bersatu agar tidak digunakan oleh kuasa luar ke atas satu sama lain," ujarinya menerusi syarahan umum bertajuk *The Ethic of Double Standards In The UNSC And Its Effects On Africa's Quest For Peace And Security: An African Scholarly View* di Auditorium SolS, pagi tadi.

DARIPADA:

UNIT KOMUNIKASI KORPORAT
UNIVERSITI UTARA MALAYSIA

☎ 04-928 3048/3049/3052/3061

☎ 04-928 3053

✉ ukkuum@uum.edu.my

📘 Universiti Utara Malaysia (Official FB)



Please consider the environment before printing this e-mail



AACSB
ACCREDITED



ASSOCIATION
AMBA
ACCREDITED



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.